

مجموعه فنون

۱۸

جمعیت علمیه عثمانیه

برنجی پنه

ربیع الآخر

نومرو ۴

استانبول

وزیر خاتمه ارزنجانلی اوغلو آرتین مناسیان مطبعه سنده

طبع اولمشدر

۱۳۷۹

(مجموعه فنونك مظهر اولديغى حسن قبولدن)
(طولاي عامهيه تشكر)

مجموعه فنونك شمدىلك دركار اولان نقص و قصورىنى اعتراف
ايله برابر خير خواهان مملكت طرفندن تلقى بالقبول بيورلسى اميد
و اتقنده اولديغى تا ايلك نومروسنده تحرير ايتلشيدك . اشته هنوز
بر قاچ نومروسى چيقر چيقرمز جمله طرفندن علائم حسن قبول ساحه
پيراي حصول اولديغندن شو املزده خانب اولديغى اليوم كال
ممنونيت و مباهاات ايله بيان و لوازم شكرانيت و محمدتى زيور زبان
اخلاصنشان ايدرز . واشبو تخم تشويق و تلطيفك برارض قفراي
كفرانه دوشمامش اولديغى ابايه مقتدر اولق ايچون وسائط مقتضيه
دسترس اولماغى درگاه قاضى الحاجاتدن تمنى و نیاز ايلرز .

اولوجمله مشهود چشم مباهااتمز اولان آثار حسن قبوله بز دخی
الدين كلدیكى مرتبه مقابلهده تجویز قصور ایتدرك مجموعه جه اصلاحات
لازمهتك اجرا سنه شمدیدن ابتدار اولوب مثالیالكر اوتوزايكى صحیفه دن
عبارت اولسی مصمم و موعود اولدیغى حالده شمدی یه قدر چیقاریلان
نومرولر لااقل قرق صحیفه دن مرک اولوب بمنه تعالی بعدما دخی

نومرولر

بو قدر اولسینه و بلکه ده‌ا ارتلسنه غیرت اولنه جغی مثلاً و کرک طباعتی و کرک کاغدی اصلاح قلمشدر . ده‌ا بو مقوله نقصانلرینک اکمالیه برابر یازیلان مواد علمیه‌ک کرکی کبی تفهمنه مدار اولاق اوزره بعض جغرافیه و سائر خریطه‌لر یله شکل و وضعی دخی اخص آمالز اولوب فقط بونک اجرایی خیلجه مصرفه متوقف اولدیغندن بمنه تعالی ایلروده سرمایه‌منز مساعد اولدیغی حالده شو مقصد مهمک حصولنه دخی اهتمام قلنه جقدور .

امور دینه و پولیئیکه مباحثندن اجتناب اولنق جمعیتلرک اصول موضوعه‌سی اقتضاسندن اولدیغی جهته شمیدی یه قدر مجموعه‌یه یازیلان مواد فنون و ادبیاته منحصر بولنش ایسده اوروپانک بو مقوله مطبوعات علمیه‌سنده دخی معتاد اولدیغی وجهله وائدینک تکثیری غرضیه تقلبات احوال عالمه دائر حوادث و اخبارک دخی خلاصه‌درجی تنسب اولنش و مطالعات و محاکاتنه کریشلیه‌رک بو مقوله وقوعانک کماهی نقل و بیانی تاریخ قیلندن اولوب اصول متخذه‌منزه مخالف دوشمبه‌جکی مجزوم بولنش اولغله بودفعه طرف سلطنت سینه‌دن سزاوار یوریلان مساعدۀ مکار معاده‌یه مبنی بوندن بویله کرک خارجاً و کرک داخلأ برماه ظرفنده سرزده ظهور اولان وقوعات مهمه پولیئیکه‌نک دخی خلاصه صورتیه درج و تحریرینه ابتدار قلنه جقدور . اشته بو تقدیرده دائماً غزیه مطالعه‌سبله حوادث کونیه‌نک تحول ایلدیکی حالته یوماً فیوماً کسب اطلاع ایلمکه کثرت مشغولیت و یاخود عدم رغبتلری مانع اولان فوات اول ماه ظرفنده مسائل پولیئیکه‌دن نه مقسوله مواد وقوعولش ایسه صیق چیقان غزیه‌لرک اکثریا مظهر اولدقلری شوانب اختلاف و اشتباهدن بری اوله‌جق صورتده خلاصه‌سینی مجموعه

فنونده بولهرق زمان حال احوالنه دخی بالسهموله تحصیل وقوف
ایده جکری درکاردر .

برخانهده مشیئه عدمدن بر طفل جلوه کر مهد شهود اولدقده
اول خانه خلق اتی مشمول نظر شفقت و حسن محافظه و نشوونماسی
اسبابک تهیئه سنه مسارعت ایلمکی مقتضای شیئه مروت و انسانیت
عد ایدرلر . اشبو اثر ناچیزانه مز دخی اوילה بر طفل نوزاد مشابه سند .
اولهرق بقا و تقویت قواسی ابنای وطنک همم پدرانہ و مساعدات
مشفقانه لینه محتاج اولوب باخصوص بونک ناصیه حالده اثار استعداد
خداداد نمایان و برکون اولورکه مقابله ایفای خدمتہ برزده دامان
اوله بیلسی امرعبان اولدیغدن بر قاتدها تلطیف و نوازشه مستحق
و شایاندر دینله ییلور .

مقدحجه بکرشده بزم مجموعه کبی بر فنون غزته سی نسرینه ابتدار
اولدقده اوراده غالباً کالای کرانیهای علم و معرفتک رواجی اولمیدیغی
جهتله اشبو طفل معصوم مساعدات مشروحه دن محروم قالدیغدن
هنوز شیرشیرین حیاتدن لذت المفسزین کلیدیکی سمت عدمه رجعت
ایلمش و موجودی اولان ذات مرثیه خوان حزن و تأسف اولدقدن
صکره موجود نسخته لینی مجمع ناس اولان بر میدانده کاملاً احراق
وکلنی اورایه دفن ایلہ اوزرینه فلان سنه وفات ایدن علمک مز ایدر
عباره سنی شامل بر طاش دخی دیکمش ایدی . له الحمدوالمنه سایه
قبضوایه حضرت پادشاهیده ازوقت ظرفنده بزم مظهر اولدیغمز
بونجه تسهيلات و تشویقات مجموعه عاجزانه مزك اويله اجل عاجلدن
مصون اولهرق الی ماشاه رهین دوام و استقرار اولسی حقنده اقوای
تأمینادر .

مجرد جمعیت عاجزانه مزه بر اعانه فتوتکارانه اولسق اوزره بعض
نوات کرام متعدد نسخیه مشتری یازیله رق البوم مشتری لر عزك مقدار
اوجبوزه بالغ اولس ایسه ده بمنه تعالی عهد قریده تزايد ایدرك
حاصلاتی مصارفاته مقابل اولسنی مأمول ایدرز. وارداتدن فضله برشی
قالدیغی تقدیرده بروجه محرر خریطه و رسم علاوه سیله نفس مجموعه نك
اصلاح و تزیننه و یا خود نشر معارف یولنده دیگر بر امر خیره صرف
اولنه جغی مقرر در .

اولوجهله مجموعه فنونه مشتری یازیله رق مقاصد خیره مزك
ترویجی حقنده دریغ لطف و مروت یسورماش اولان ذواتك هم
وطنپروریلرندن طولانی بیان تشکر ضمننده علی الانفراد اسملرینك ذیل
مجموعه درج و تحریرینه ابتدار قلندی .

(منیف)

(مدخل علم ژئولوژی)

درجه حرارتلری غیر مساوی اولان جسملر بر مدت برابر بولنسه
حرارتلری تعدیل و تسویه ایلرلر . یعنی حرارتلری زیاده اولان جسملر
حرارتلری آز اولانلره بر مقدار اعطا ایدوب جله سنده مساوات اوزره
حرارت حاصل اولور . مثلاً حار اولان صاغ اله بارد اولان صول ال
تماس ایلسه صاغ ال صول الی ایکبسی درجه منساویهیه واصل
اولنجیه دکین تسخین ایدر . وبرکسنه نك مثلاً صاغ الی غایت ایصمنش
و صول الی غایت صغومش اولوب ایکبسی بر صویه وضع ایلسه اول